



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԼԵԶՎԻ ԿՈՄԻՏԵԻ ՆԱԽԱԳԱՀ
ՀՐԱՄԱՆ

12 հունվարի 2024 թվական, 03

Ք. Երևան, Կիևյան 16

ՎԱՐՉԱԿԱՆ ԻՐԱՎԱԽԱԽՏՄԱՆ ՎԵՐԱԲԵՐՅԱԼ
ՎԱՐՈՒՅԹ ՀԱՐՈՒՑԵԼՈՒ ՄԱՍԻՆ

Հիմք ընդունելով Հայաստանի Հանրապետության լեզվի կոմիտեի վարչական իրավախախտումների բաժնի պետի 2024 թվականի հունվարի 12-ի հաղորդումը «Ալեքսանդրապոլ բիզնես կենտրոն» սահմանափակ պատասխանատվությամբ ընկերության՝ Հայաստանի Հանրապետության, Շիրակի մարզ, ք. Գյումրի, Մայակովսկու փողոց 70 հասցեում գործող «Ալեքսանդրապոլ» հյուրանոցային համալիրում Վարչական իրավախախտումների վերաբերյալ Հայաստանի Հանրապետության օրենսգրքի 189³-րդ հոդվածով նախատեսված՝ ցուցանակները ոչ հայերեն ձևավորելը զանցակազմին համապատասխանող դեպքի վերաբերյալ և ղեկավարվելով «Պետական կառավարման համակարգի մարմինների մասին» Հայաստանի Հանրապետության օրենքի 9-րդ հոդվածի 3-րդ մասի 25-րդ կետով, «Լեզվի մասին» Հայաստանի Հանրապետության օրենքի 6-րդ հոդվածի 2-րդ մասի 2-րդ կետի «ա» ենթակետով, Վարչական իրավախախտումների վերաբերյալ Հայաստանի Հանրապետության օրենսգրքի 9-րդ հոդվածով, 254-րդ հոդվածի 1-ին մասի 6-րդ կետով, 255-րդ հոդվածով՝

ՀՐԱՄԱՅՈՒՄ ԵՄ

1. Հայաստանի Հանրապետության լեզվի կոմիտեի վարչական իրավախախտումների բաժնի պետ Լիլիթ Հարությունյանին՝ «Ալեքսանդրապոլ բիզնես կենտրոն» սահմանափակ պատասխանատվությամբ ընկերության՝ Հայաստանի Հանրապետության, Շիրակի մարզ, ք. Գյումրի, Մայակովսկու փողոց 70 հասցեում գործող «Ալեքսանդրապոլ» հյուրանոցային

համալիրի ցուցանակները ոչ հայերեն ձևավորմամբ լինելու փաստով ապահովել վարչական իրավախախտման վերաբերյալ վարույթի հարուցումը «Ալեքսանդրապոլ բիզնես կենտրոն» սահմանափակ պատասխանատվությամբ ընկերությունում:

2. Հայաստանի Հանրապետության լեզվի կոմիտեի վարչական իրավախախտումների բաժնի գլխավոր մասնագետ Արմինե Տեր-Բալյանին և ավագ մասնագետ Գոհար Մանթաշյանին՝

1) պարզել Վարչական իրավախախտումների վերաբերյալ Հայաստանի Հանրապետության օրենսգրքի 189³-րդ հոդվածով նախատեսված՝ ցուցանակները ոչ հայերեն ձևավորելը զանցակազմին համապատասխանող դեպքի առկայությունը «Ալեքսանդրապոլ բիզնես կենտրոն» սահմանափակ պատասխանատվությամբ ընկերության՝ Հայաստանի Հանրապետության, Շիրակի մարզ, ք. Գյումրի, Մայակովսկու փողոց 70 հասցեում գործող «Ալեքսանդրապոլ» հյուրանոցային համալիրում:

2) «Ալեքսանդրապոլ բիզնես կենտրոն» սահմանափակ պատասխանատվությամբ ընկերության՝ Հայաստանի Հանրապետության, Շիրակի մարզ, ք. Գյումրի, Մայակովսկու փողոց 70 հասցեում գործող «Ալեքսանդրապոլ» հյուրանոցային համալիրում Վարչական իրավախախտումների վերաբերյալ Հայաստանի Հանրապետության օրենսգրքի 189³-րդ հոդվածով նախատեսված՝ ցուցանակները ոչ հայերեն ձևավորելը զանցակազմին համապատասխանող դեպքի առկայության, ինչպես նաև լեզվի բնագավառում այլ իրավախախտումներ հայտնաբերելու (բացահայտելու) դեպքում օրենքով սահմանված կարգով հարուցել վարչական իրավախախտման վերաբերյալ վարույթ և արձանագրել վարչական իրավախախտման դեպք(եր)ը, վարչական իրավախախտման վերաբերյալ արձանագրությունը կազմելիս ապահովել «Ալեքսանդրապոլ բիզնես կենտրոն» սահմանափակ պատասխանատվությամբ ընկերության տնօրեն Արմեն Ալֆիկի Մաթևոսյանի ներկայությունը:

3. Հրամանի կատարման ժամկետը՝ 2024 թվականի հունվարի 18-ից 2024 թվականի փետրվարի 5-ը:



ՍԻՐԱՆՈՒՇ ԴՎՈՅԱՆ